

雞足山志

地733.5

68.82

部=2

鷄足山志卷之二

山水上

野史氏曰山祖崑崙水源星宿普散窠宇起伏
廻旋變態不一古今紀述多以一二言形其奇
勝簡而文精而辨後之觀者臥遊是賴矣志山

水

山

鷄足山一名九曲巖實居南徼古屬西域此名鷄
足山梵語云屈屈此播陀由漢唐而附中國至蒙

鷄足山志

卷之二

山水

一

古始入版圖考傳法正宗及晉僧法顯傳印土名
山記大唐西域記諸書知為迦葉尊者入定處故
其山遂與五臺峨嵋曾陀九華並傳即大明一統
志亦載洱海東北百里有鷄足山滇志載賓川州
西北七十里鷄足山與郡志相符蓋此山發脉
崑崙即南支龍也由西番雪山中出一脊環麗江
府西南峯巒秀起挿日凌空曲折南行為鶴慶府
西岡劍川州東山又南行二十餘里層巒疊嶂劃
分兩支一支自西南橫亘連岡經浪穹後嶺結為



大理府之點蒼山一支綿延廻折繇東南行經南
北兩衙玉絲等場當洱海東北或起或伏東度三
澗門聳爲青檀山北度檀花箐特起爲鷄山頂峯
背抵西北面向東南自峯頂環觀山形前分三岡
後拖一嶺若前伸三瓜後支一距宛然鷄足形也
後一支繇巔西北下四十餘里至大石頭而止前
三支中列兩大溪衆泉奔迭中支自頂巔下垂繇
銅佛殿迎葉殿慧燈菴至勝峯寺自勝峯之右跌
脉又繇凌霄圓覺兩菴之右下五里爲華嚴寺又

下三里爲萬松菴又下二里結傳衣寺至此地勢
平曠庵院凡十餘處東西兩峯宛然環拱繇傳衣
寺下盡於接待寺東支亦自頂分派經羅漢壁獅
子林九重岩直行廻捲而下爲西顧山繇山南峙
爲塔院乃下而盡爲報恩寺西支亦自頂橫分繇
青檀山廻抱起起伏三十餘里爲白石崖又五六里
廻龍顧祖乃結爲拈花寺前山三支中支與東支
自巔至麓各三十里許西支則四十餘里皆蜿蜒
起伏錯綜環抱礪樹幽山梵刹隱映洵西南名勝

也

山以峯頂爲中前後四支環拱自東至西二百四十里南至北二百里山麓週圍四百里

考白古記一書鷄足山上古之世原名青巔山洞名華陰洞厥山左峯名曰花石剋龍峯今羅漢壁獅子林九重崖轉下至文筆山塔院者是也右峯名曰青檀顧虎峯卽青檀山太極嶺跌至白石崖仰止臺至拈花寺者是也中一峯名曰鍾靈啓聖峯卽絕頂中嶺自迦葉毀勝峯寺

鷄足山志

卷之二

山水

三

跌過華嚴傳衣盡於接待寺者是也迦毘羅國爭梵大王因其山形像鷄足遂更名曰鷄足山名其洞曰迦葉洞後訛爲華首門阿育王時勅長者明智護月李求善張敬成等來創迦葉圓覺龍華石鐘等庵卽爲名勝之始

張敬成卽今賓居大王也

考釋氏經典諸書皆云迦葉尊者持衣入定鷄足山而世人賤近貴遠妄謂西番別有鷄足以便逞其荒唐奇怪之說使人渺茫難稽不知滇南在周時版圖未入中國原屬西域之地爲阿

育王所封且西方哈麻僧每年來朝鷄足者頗多細詢之皆云自古相傳此是迦葉守衣鷄足使西方果有鷄足又何爲遠來朝禮且崇禎庚辰烏斯藏大寶法王亦遣其弟子來鷄足朝禮迦葉則知此爲迦葉入定之處無疑矣按范石湖吳殿錄唐乾德二年詔沙門三百人入天竺求舍利及貝多葉書有繼業三藏姓王氏耀州人預遣中至開寶九年始歸寺其分記西域行程有曰魏峯曰鷄足山曰優波掬多石室曰王

舍城曰鷲峯曰溫泉二十餘井曰阿難半身舍利塔曰畢鉢羅窟曰阿難證果塔曰輪王塔輪王卽阿育王也又曰塔廟甚多以今考通紀考之吳船錄証以梵書法苑珠林稽之畢鉢羅窟鶴慶石寶及阿育王遺跡如酉陽雜俎之說與范石湖皆異代同符則此鷄足華首門卽迦葉入定之處而西番別無鷄足不待辨而自明矣

天柱山

卽鷄足中峯今呼爲四觀峯者是也自明歌坪攀

躋而上十里許方至其巔孤聳峭拔頂垂雲霞之表遠近仰瞻狀同天柱

花石山

卽鷄足左峯考白古通名此峯爲花石迴龍峯又名鷄足爲花石山卽指此山也蓋此山繇東轉南逶迤起伏三十餘里東南一壁陡削千仞嶙峋環抱卽羅漢壁獅子林九重岩是也山中名利多建其下岩壁間茅菴團標不下百所修靜之士居焉其上有石鼓峯點頭峯道冠峯滿月山集賢山重

岩洞鳳眼洞最爲奇雋

青檀山

卽鷄足右峯自山頂西北而下十里許至檀花箐此山峻備寬平東北與絕頂相對有象王峯蓮花峯古碑岩飛鳳嶺太極嶺西南與蒼山相對有木香坪撒馬場

面壁山

在華嚴寺熊巖岡上四五里許尊嚴突湧如巨人端坐正向羅漢壁肖達麼面壁之狀

象鼻山

自明歌坪垂岡而下至然燈寺長三里許宛然象鼻也

瓊樓山

在放光寺後直連絕頂高十里許此山懸岩峭壁插漢橫空奇樹危石怒突倒垂層級重複有若瓊樓

天池山

自點頭峯垂下旁出天池還源禪師於其下建白

鷄足山志

卷之二

山水

六

雲居遂隱居焉

鳳毛山

在寶蓮庵後自仙鶴山垂巒右疊有鳳毛儀彩之狀擔當老人隱居其下

鉢盂山

在石鐘寺前下有鉢盂庵山形豐隆圓起正當兩澗之間周環觀之宛然鉢盂當胸也

馬頭山

在白草龍下有泉出於馬頭之下卽名馬頭泉

羅星山

在文筆山之東南沙址村山尾併南村山尾兩交處有山正鎮水口周圍半里

紫芝山

在雙水澗之上其山紫色如靈芝結朶

蒼波山

在拈花寺後繇青檀山檀花箐自西而南過金母山白石崖綿亘四五十里至此突起圓峯廻對天柱山形如几案

鷄足山志

卷之二

山水

七

蹲象山

繇蒼波山之東北轉而西向長二里許爲拈花寺對案形如象蹲

駢指山

自蒼波山之西繇佛臺過峽斜拖一支與蹲象山相對

松雲山

在華嚴寺下萬松庵之後亂松連雲長三里許人行其中者希覩日月

臥獅山

卽南村後山在白石庵下勢如臥獅俗呼爲羅磨
祖山

文筆山

卽塔院山以其在東上又有塔故名

滿月山

在悉檀寺後此山從九重崖分脉豐偉端好形如
滿月

仙鶴山

鷄足山志

卷之二

山水

八

在石鐘寺後山形橫展勢如翔鶴

綿霞山

在寂光寺後山形聳秀嘗有晴霞冠翼其巔

紫雲山

卽大覺寺後山迴偃崇隆形如覆雲

鐘靈山

在勝峯寺後山形秀美謂爲一山靈氣之所鐘也

花影山

在茹勒地之後又名馬鞍山其峯頭與馬鞍相似

鳳凰山

在傳衣寺後其山勢如鳳翱翔而下

象頭山

在大士閣之後形如象頭鼻耳皆具

金母山

俗名金老太山在河子孔上高四五里嵯峨雄俊正對絕頂金母卽聖母也其下有聖母龍王廟

白花山

在龍華寺之後山勢崇湧因前建有觀音閣遂呼

鷄足山志

卷之二

山水

九

爲白花山

插屏山

在迦葉殿後高岩橫展宛若屏開

高鼓樓山

在花影山之左

天鼓山

在滴水崖邊其下空洞人履其上足聲逢逢然嘗有大白蟒出現俗相傳見者主吉

集賢山

在片雲居之後繇九重崖而下別起一峯穹窿秀出樹石掩映下有流泉遶之

凌霄山

在凌霄庵後其山自明歌坪側垂而下至此忽突湧宏大寬廣勢欲凌霄

西顧山

卽九重崖盡處與文筆山相對山勢至此廻顧中峯巒岫皆似西向

青陽山

鷄足山志

卷之二

山水

在西顧文筆兩山之外相去里許更湧一山豐隆有勢實居震方故得青陽之稱

片玉山

在九重崖下集賢山之左另聳一峯順崖南行勢不甚遠而瘦削有致如禽翅直豎

西來山

在白石崖之西此山自青檀山太極嶺層疊起伏廻翔幾折至此忽起一山更爲雄突自此而下遂爲金母山白石崖諸峯皆極奇秀

公幹山

在鷄足山東南自九重崖疊下鷄坪關迤邐南行起而爲朝陽峭坡平原廣衍五六十里突起數峯形如羣仙拜舞東面大河又起而爲廣黃山西對煉洞又起爲馬益龍山形勢寬舒峯巒磊落爲鷄山之几案

牟尼山

在鷄足山左峯之外東北去四十里自魚盆甲庄迤邐而上突出一峯高二十里山形如蓮花多崖

鷄足山志

卷之二

山水

十一

巒洞穴西南與絕頂相望有大石洞鸚鵡郎東北臨金沙江有四角山青石岩

大覺山

在鷄足山東去九十里卽賓川東山之支面對鷄足山勢崇隆遠近瞻望峯巒最爲奇秀上有吉祥寺鷄山大覺寺僧徧周建山之西麓又有聖泉庵皆爲鷄山之別院也

峯

四觀峯

四觀峯卽天桂山之高峯乃鷄足絕頂處也峯勢
陡絕四望上聳霄漢秋冬時有積雪青雲籠繞蒼
素萬狀攀躡而登至頂平正如舒掌自東及西一
里許南北僅八十步張直指建羅城于其上樓四
闌東曰日觀西曰海觀北曰雪觀南曰雲觀日觀
觀日出也海觀觀洱海也遙望洱水光平如面正
當山麓雪觀觀西域雪山也雪山正當西北干霄
插漢瑩潔如銀然非清霽素朝不可望見雲觀觀
佛炎也夏秋之間天氣明爽有時白雲布滿空界

如銀海晃耀卽于白雲中現大圓光外暈五六重
每重五色中虛明如鏡同觀者雖千百人各見已
身不見旁人雖舉手動足拱揖禮拜無不肖像是
謂攝身炎又或現圓炎如虹霓又或現白毫炎周
圍籠映恒數十里又或黃炎布滿峯頂又或光中
現銀船往來篙楫具備禮佛者齋宿祈禱則佛炎
變現種種不一四觀之名繇是而起遊者東繇猢
猻梯上西繇束身崖下

在捨身崖前一峯附崖並起自南而西高數十丈
濶如之橫展如屏自上觀之頂與崖平自下矚之
峯身為崖所掩莫可辨識惟自禮佛臺斜眺則別
峯森秀陡削爭奇與崖乍合乍離迴光互影巧若
施設雖江郎三片不為專美矣

玉枕峯

在四觀峯後狀如玉枕橫峙高可數十尺

石鼓峯

在九重崖西憑依嶺脊南崖魁傑雄突欽嶠百狀

鷄足山志

卷之二

山水

十三

東九重崖西獅子林兩翅橫開若為所掖陡聳千
仞翠在梅檀林上聳出層雲秀削孤峙

象王峯

在飛鳳太極二嶺之中其峯突濶寬厰層雲籠映
高霞繚繞較諸峯獨為雄秀

鳳頭峯

在銅瓦殿下突出昂起高四十尺形如鳳頭

蓮花峯

在象王峯之右岫巒森秀狀若蓮花離離蔚蔚遠

浮霞氣之表乃聖僧所居也

巖壁

捨身巖

在四觀峯西南隅下嵌上突憑據其上若飛梯躡空不復知下之仍有地也愚人登此捨身荒徼冥頑化之不可憫之者甃磚為垣以阻之今環為城墉足跡罕至此風遂絕矣

華首門

一名迦葉門載通志

華首門在四觀峯南側巖如平劈高數百仞廣且

數倍巖壁有痕內剝厥狀如門雙闕宛然上簷飛突丈餘周迴隆起圓扉對掩中裂一隙其門左右各三丈三寸高倍之所謂迦葉奉佛金縷衣入定處也壁間餘瀝津津遊人取以洗目俗呼為眼藥水崖向西南終夕暄暘而水不盈勺朝暮嘗盈風稱靈異加之此巖平削千仞仰視轟隄俯瞰無際而門嵌其中鬼斧神工至此窮絕東自猢猻梯西並捨身崖以抵束身峽橫亘二里俱自山頂平削直下至此疊為細紋緣如腰帶鑿壁為路行者墮

紋躡縷恍若蟻之緣壁從此下墜尚有數級乃抵放光寺上眺則縷紋交疊繚白摺青且面曝西陽苔草雜色雖丹青窮巧不能繪其錯麓矣

按大理府志迦葉門俗呼爲華首門此迦葉波入定之地在鷄足山頂唐南詔永真間有僧小沈與二僧同結茅鷄足一日自城歸見二僧問食二僧曰汝從城來反索食於我耶小沈遂走叩迦葉石門訇然中開二僧追呼至則石門閉矣二僧悔恨焚身門外焚處生栢二株或謂小

沈乃迦葉化跡也

滇志同

又按通志李逸民遊山記嘉靖間有一僧自遠來徑投石門結草以居自誓苦行三年滿而後去期滿之夕夢石門忽開中有多僧延之使入見殿宇金碧門上各有金字對聯惟正殿有金鎖不開左堂僧衆皆默坐右堂如齋厨設供謂僧曰汝勿去得乎僧曰吾有願欲遊名山尚未得住也言已而寤猶記對聯識而藏之

在華首門下放光寺之後高三十餘丈濶亦如之
直插橫開如斧削石磨左右勻停宛然玉屏也

羅漢壁

羅漢壁在四觀峯東從仰高峽橫突而起西抵旃
檀林陟壁橫開峻嶒聳疊垂綃捲幃連亘四里西
來寺嵌其西隅爲陝僧所棲碧雲寺綴其東坳爲
燕僧所止而西來一帶崖壁尤奇擎雲激浪凹突
錡削廻曲萬狀崖下靜室剝壁累石高下駢嵌若
蜂房燕窠咸剡木笕泉互相貫注以資瓢鉢

觀音崖

在獅子林雪印靜室之下

般若崖

在羅漢壁下側倚東澗另闢巉岼禪師古亭結精
廬其間名般若庵緣石磴而登俯瞰壑中梵剎攢
隱仰瞻翠嶂樹石蒙叢幽險之觀此亦稱最矣

紫栢崖

在羅漢壁下白雲寺右嶺上原有靜室今廢

霹靂崖

在鉢龍室之後絕境天開聳削異勢烟嵐旋繞樹石錯映朝昏迥變橫側殊態觀者危心遜目不能自已

勒馬崖

在獅子林左高可百仞其崖頭勢如奔出而能頓駐有勒馬之勢

九重崖

九重崖在石鼓峯東從羅漢壁而來嶺岡東行至此迴掉與西峯相顧其崖上負岡脊下臨層巒聯

羅漢壁特角互峙前對青巔曰如翠屏嵐幙下視衆壑凸凹差互刹宇隱見松檜層深山中勝境獨此隱僻東崖人跡罕及自非一念精修之士鮮或棲焉岩東石竅有泉珠迸分給諸廬岩畔有飛石覆空而懸若墜復倚觀者危之

蕉鹿崖

卽九重崖迴龍峯也

白石崖

白石崖在南山東陔乃鷄足西峯將盡之處迴巒

北向返拱正峯石骨瓌瓏竅孔空漏穿穴互通出沒隱見而石色瑩白少雜赭翠天劃神鏤莫喻其巧雲邑楊氏憑崖架閣梯空而居加以此境別出不附衆山徑曲途隱俗駕莫邁可謂棲幽之勝境矣

滴水崖

卽玉龍瀑懸崖在天鼓山之下千章叢雜崖壑層深加以懸瀑飛流上下者至此鮮不駐足迴觀移時嘆賞

重陰崖

在獅子林慧光靜室之上半里許崖高數丈其下容四五人深林密翳雖亭午杲烈不見曦影

猢猻梯

在銅瓦殿後乃絕頂峯巖下垂之脊石齒稜稜僅可容足壁立陡上五十餘級落手投足支膝抵胸始得進步登者不得下視下視則竟搖足酸不能自主

按郡志名觀光梯石磴嶙層高數十似遊人制

匐而上此間望佛光出現更爲明顯

壽星崖

在獅子林守白靜空之上高數十尺孤子挺拔狀若南極老人之首

千花崖

在九子溪東壁嶽嵌疊磊異卉叢生迴嵐隱映如纓絡貫花

佛手崖

在袈裟石左插空支聳正如佛掌橫舒

鷄足山志

卷之二

山水

十九

背光崖

大背光崖小背光崖在華首門之上四觀峯之下懸崖萬尺壁立如斧削左右稍作回曲如佛背光此崖奇險冠絕一山雖猿猱不能升也

獅子口

在大觀閣西三里許南北兩崖傑峙爭高中通一路如咽喉有踞之地吞天之狀

金猊崖

在小華首門崖下懸壁直下削如立掌中突崖頭

長數十尺形如狻猊左顧青獅右望白象宛然三
大士所乘跨也

青獅崖

在小桃源洞前與金猊崖相去三十餘丈

白象崖

在收蛇洞前金猊青獅白象三崖極威雄踞伏之
勢而金猊稍大尤魁傑也

滴雪崖

在九子溪頭初獻水之上

鷄足山志

卷之二

山水

三

長離崖

在插屏山後文心雕龍云彩如宛虹之奮鬣光若
長離之振翼宛虹龍也長離鳳也是崖之得名蓋
本於是

文殊崖

在文殊閣舊址之上

疊書崖

在小華首洞右崖石層摺累數十疊苔繡草衣剝
蝕茸襯宛然書史堆疊上有輭瀑紛披而飛嵐濺

霧甚具奇致

楞伽崖

在藏頭庵上以其險絕不可往故名又曰玄鹿崖
小狢孫梯

在龍吟壑之西懸級危仄攀附而登繇猴子洞至
藏頭庵

古碑崖

在木香坪半山其地有觀音顯化碑

檀溪崖

鷄足山志

卷之二

山水

三

在華嚴寺後俯臨溪溪上下懸絕莫可攀倚楞伽
室卽建其上

聚仙崖

在檀溪之西相去里許

桷檀林

在羅漢壁獅子林之下其上則崖壁插空巒岫阻
日稍隱而下幽崖叢柯廻映負險加以深洞迷嵐
懸流絕嶂層林雜木凌空交合一念精修之士多
或憑崖結室依石支牖而遊軒罔過界宇孤僻

所謂修修釋子渺渺禪棲真堪托勝怡情永絕塵慮矣

洞

玄關洞

在禮佛臺前三面絕壑下懸突石駢倚其上中迸成隙東西交透西穴下臨棧木斲壑而度繇穴洞宛轉東出卽躡小石臺俗呼爲太子過玄關洞穴竒險於斯爲最

石漏洞

鷄足山志

卷之二

山水

三

在石漏泉之左深可丈許中出泉如石漏

文殊洞

在絕頂後文殊閣旁今閣圯廢故址尚存

仙奕洞

在文殊洞前虎跳澗之上相傳仙人奕棋於此故名其上有棋枰石今誤爲真武洞

獅子洞

在龍吟壑石覺林寺址之上懸崖西突自玄關層累下墜中橫一線側歎其間其門東向中不甚深

惟外徑歛遠緣崖引棧披烟躡虛有若猿猱之捫
歷矣

石穴洞

一名雲歸處在獅子林陝西僧靜室之右高丈許
深一丈四尺昔有僧棲禪其中以石爲牀竈今存
焉

白虎洞

在伏虎庵拜佛石下此洞乃一片大石橫架而起
中可坐十餘人

斜陽洞

在神足峽東洞不甚深但高而難登洞前有石柱
一根好奇者梯之而上如猿猱之緣木也其洞面
向檀花簣斜陽對炤晚霞麗空洞中晴晃別一天
地

古佛洞

古佛洞在八功德水之上石竅橫并儼若胡牀僅
堪容膝

落伽洞

落伽洞俗名猴子洞在魯擺窰削壁下洞出清泉
四時不竭昔有行僧大千隱居於此法師自如與
之遊爲改今名

真武洞

在九子溪東真武廟側洞因廟得名水出其右卽
三獻水之一也其洞西向頗隘中有一潭不竭土
人目爲諸龍湫之首

黑熊洞

在落伽洞左崖下舊傳有黑熊居此法師所庵魯

鷄足山志

卷之二

山水

十四

於此洞談法華經

鳳眼洞

在羅漢壁西來寺後絕壁上一崖外附東向成門
前有橫石凌崖上跨中透小隙日光注焉洞不窈
溪而潔淨可居

楊黼洞

在羅漢壁西危崖下楊黼者大理人栖息於此二
十年得道而去其始末詳人物志中

重崖洞

卽白鹿洞在九重崖絕壁廻峰返向青檀山上豎
巨木崖間斧痕爲級以升又躡石痕捫壁而上崖
畔穹狀如飛簷上覆宴坐其中肆目南眺水日天
花諸巒羅供有奔役之勢自非烟褰雨霽莫辨此
遙岫矣

麒麟洞

在獅子林大力南宗二靜室左澗中卽珠簾水飛
注處

金華洞

鷄足山志

卷之二

山水

三五

在檀花箐西金華庵西北卽峰頂西岡將盡處崖
懸路絕層巒危聳與列岫爭竒人跡罕至有僧南
松嘗止靜其間

仙鶴洞

在白雲寺補處庵右百餘步三石攢起上累一小
石有似鶴頂洞邊多產松菌靈芝諸異艸

華藏洞

卽大石洞在鷄坪關後石洞村乃此山後嶺向北
環轉處山至此伏而再起另闢洞天洞門宏敞高

收蛇洞

收蛇洞在小華首門西有石竅其深不知幾許古昔相傳有異人以咒術收蛇其中故此山蛇不傷人

黃猿洞

在悉檀寺前小瀑布下大士閣之東恒有猿猴蓄山果其中人往覓焉或得數斛

泉經洞

在洗心橋邊聖母水潭西二十步或歲水澇此洞

鷄足山志

卷之二

山水

七

出水則次年必旱農家每以爲占

卧虎洞

在白石庵後

紅蛇洞

紅蛇洞在接待寺三家村西箐內五里許每秋前有小紅蛇出卧石上而不傷人

岳山洞

在放光寺之下

藏頭洞

在華首門北岫側歷落嶮牙昔周哲於此洞修煉多藏經史道書人罕見之故名

玄鹿洞

在楞伽虎嘯二崖之間庚子春知空眼藏搜攬竒勝登小沈臺見藏頭庵北懸崖之上古木叢蔭處有玄鹿二吻鳴而出馴擾不驚如相迎之狀故名

箐口洞

在九重崖下塔院之北洞不甚大而林木茂密境界幽窈

鷄足山志

卷之二

山水

三

碧雲洞

在幻空閣左崖半可坐五六人

玄玄洞

在鶴岫碑崖畔絕壁數十仞空洞臨危其深廣莫測而無路可登自非飛鳥翱翔莫得窺其幽奧矣

壺天洞

在真武洞之上竅穴玲瓏廣一丈五尺有竒葩異卉翠竹碧羅擁蔭其門儼狀仙客棲真之洞天也

小蓮房洞

在千華崖之下怪石隱門人跡罕至蓋猿猴棲息之所

大蓮房洞

在小蓮房洞之上

飛光洞

在背光崖之西洞中可坐十餘人夏秋之際嘗有金光飛遶其處

石室洞

在獅子口之西弘厰幽邃中湧流泉

鷄足山志

卷之二

山水

二十九

丹霞洞

在獅子林後山下十里許昔有僧習禪其中孤邃幽險不易居也

一念洞

在功德庵之左寬一丈三尺

螫龍洞

在翔龍寺之西隔澗懸崖之上

隱顯洞

在袈裟石左上下二洞空怪相連棲真之士每神

娛其間

小華首門

在華首門下層小菴源洞之右此處又下一層平出三崖中曰金猊左曰青獅石曰白象一名小華首門

羚羊洞

在迴杖處之下

老古洞

在覺靈寺右嶺上昔有僧老古穴土爲洞棲禪於

鷄足山志

卷之二

山水

三

此

臺

禮佛臺

禮佛臺在東身峽西南峰頂三面絕壑南向木香坪後有伏虎庵前爲玄關洞昔時古行之士恒於其上禮佛以致精虔李中谿愛其竒勝於此建賓蒼閣以其面對點蒼山宛狀天外屏畫也

望臺

望臺在獅子栴檀二林之間自橫亘大嶺分岡南

下隆起一峰東界獅子林披林縈磴若穿翠幄登
此始見峰頂西懸故以望臺名小阜聯突如貫珠
迺墜

指顧臺

在點頭峰之下自九重崖達獅子林路經其處指
顧合山庵寺如觀掌果歷歷分明

阿難臺

在華首門左面臨蒼海

妙高臺

鷄足山志

卷之二

山水

三十一

在玄關之右寬可二丈三尺

小沈臺

在藏頭庵前群峰拱抱疊嶂廻環澗溪竹樹無不
生情勢若雲霞擁月

辭佛臺

辭佛臺在白石崖東大路傍繇南山北轉爲登山
初境上有小塔凡入山禮佛者歸路至此廻望山
頂作禮辭佛以伸眷慕焉

坡

解脫坡

在石鍾寺下大士閣上長可三里西望玉龍瀑登山必經之處

蜜哆坡

在積行庵傍水月庵上

火雷坡

在拈花寺右石墓江外此山高一里長五里自煉洞西山頂分支東北向逆上倉湖之水爲石墓江與鷄山諸溪之水合流而爲煉洞河

鷄足山志

卷之二

山水

三

岡

廻龍岡

在放光寺前從中峰斜分一嶺自東向西正對飛鳳嶺迤邐起伏長二里許

熊羆岡

在華嚴寺後此地原爲熊羆窟穴先時有南京老僧真圓習靜於此熊羆漸隱遂建梵刹

橫琴岡

在古雪齋片雲居之前塔院之上垂巒平亘狀若

橫琴

振衣岡

在文筆山之南絕壁百仞上有平岡俯視接待寺
河子孔諸景了了可畫

嶺

飛鳳嶺

卽鷓鴣山也在放光寺西山形自古碑崖翔舞而
下其長數里宛狀飛鳳

御風嶺

鷓鴣足山志

卷之二

水

三三

繇白井庵前下至會靈庵起伏延袤長五里許清
溪交流長松掩映遊人經此有憑虛御風之想

太極嶺

在飛鳳嶺之右旣圓且正形如太極四週諸峰簇
起並秀爭竒恍狀媚靈於茲嶺也

雙泉嶺

在覺林寺右

拂袖嶺

一名蛇伏岡在西竺寺前自息陰軒左斜拖而下

縣西而東至牟尼庵約一里許細瘦橫披如拂袖之狀

石

棋盤石

在絕頂之西東身峽上文殊閣前南北兩崖夾墜而石懸其中平整如盤世傳昔有兩仙對奕於此原有三十二子於今亡矣

昇仙石

在捨身崖東玉井峽之上高五六尺寬平可坐二

鷄足山志

卷之二

山水

三

三人俯臨絕壑上逼層霄登其上者曠然遐覽俗慮頓空飄飄狀有羽化昇仙之意

華津石

在四觀峰後休歇處之前寬二丈高三丈一片橫斜上可坐數十人石面浸出流泉注滴石下卽漚而爲三極泉

眠獅石

在梅檀林烟霞室右其石高一丈六尺廣九十圍層疊兩級可攀而升高下迴凹處可坐十餘人石

隙生大樹高七八丈修柯曳雲濃葉蔽日籠罩婆娑故堪玄賞

子母石

在大乘庵左其大石高一丈三尺廣可一百一十圍古意峻嶒有級可升上可坐三十人更左三十步有石差小亦備俊可觀旁更有數石半露半藏備極嶽嶷之勢

袈裟石

在銅瓦殿有坡野卉蒙茸別具幽勝相傳當日尊

鷄足山志

卷之二

山水

三五

者曬衣其上青石白劬其文縷縷領褶俱全宛狀袈裟鋪覆因名焉其上原有小閣爲比丘棲禪之所

玉屏石

在簾衣庵舊址其石高一丈一尺濶七尺正而平削宛狀插屏下又有小石方正可作坐墩旁立古木一枝大八九圍高四丈許蒼肤掩覆勢頗相得

獅頭石

在迦葉殿西三十步高丈許大八九十圍前張叻

如獅口生樹二枝掩映葱蒨培增竒致謝東山遊山記曰殿西數十武有盤陀石可坐十數人崖畔孤懸不可行而至考此山別有盤陀石在放光寺西此故名獅頭石謝公落筆偶誤耳謝卽近時人慕晉謝安之爲人故號東山其遊覽之興果堪追配晉人東山之號非浪稱也

盤陀石

盤陀石在放光寺西崖藏頭庵下石高一百二十尺直立如筭亭亭上擎雖附崖而起不與崖合擬

狀離立架橋而度頂平可二十餘尺上構小亭危聳特絕行僧大千嘗趺坐於此後當飛泉搖曳疊嶂縈流幽異孤泐別具靈秀遊者扶杖而登下臨絕地峯壑羅列故堪竒賞

半落石

在盤陀石左數十步其石附崖而生突兀欲墮下臨千尺之磔

跣趺石

在觀音崖下其上平正故堪結趺入定

片雲石

在獅子林純持靜室則高二丈寬丈許可坐二十餘人旁有流泉美冽甘潔

移石

在悉檀寺右坡石高一丈二尺廣四十圍此地舊爲羅漢寺石原在寺內僧衆嫌之忽有人來云此石可移也可爲我具食僧入厨治齋旣出則石已移出寺外其人不知所往矣或云是潭中老龍特示靈異耳

鷄足山志

卷之二

山水

三七

翠屏石

在獅子林中一峰高聳四面如削芙蓉而金粉雜鋪彩文如續上刻翠屏二字

雲生石

在獅子林峰頂其大數圍高二丈三尺傍有小石潭凡山中欲雨則此石傍必生濃雲如車蓋散布蒙密其雨卽至

金剛石

在放光寺門內高一丈一尺寬可三十圍崢嶸兀

突上建小亭名四無亭可容數客石脚有空凹處
可以跌坐

雲鶴石

大石五六倚疊河子孔之上乃中谿李公所題

放光石

在勝峰寺前其石大小不等五色俱備各具六稜
可供清玩

兜率石

在彌勒院左兩石連生參倚作勢高五丈許頂寬

鷄足山志

卷之二

山水

三

平可坐數人紫苔交錯有如繡綺

螺文石

在慧燈庵右狀若螺紋

牛首石

在迦葉殿門外土地廟前狀如牛首俯瞰衆壑有
老樹數枝盤根其上

曲筧石

在獅子林六般羅密靜室之下其石嶙峋當路靜
室比丘引泉資汲者必經其石之腰苦於不能直

度乃剝木爲曲筧遠石而流故名

念佛石

在二天門上頂可趺坐朝山比丘修淨土者嘗於其上默坐念彌陀焉

霹靂石

在鉢龍室之後其石嵯峨兀突若不可犯石之上更有大石中開一隙若離若合險怪岬峿恍若雷轟傍有老樹怪藤特助竒古石頂正平躡級而登可坐數十人前後百步內大石二三十枚各具異

鷄足山志

卷之二

泉

三

勢其衝狀負土而上者若熊羆之登於山其嶽狀相累而下者若牛羊之飲於川柳子厚所云未足當也

砥石

在白雲居前倒影池之右石高五丈廣三十圍頂平如砥上坐五六人

伏虎石

在白雲居左高八九尺長二丈許遙矚近觀周廻審視宛狀蹲虎首尾高下無不勻似

箕踞石

在石鐘寺左平岡上大石數塊橫側異狀上有古樹數枝叢蔭周覆真可供幽人之箕踞矣

筍石

在念佛石上矗立如筍最爲孤峭

凭欄石

在念佛石上形如欄檻下臨絕壑凭倚遙觀則蒼山如案洵水如卮

仙人牀

鷄足山志

卷之二

山水

四

在華首門傍左右兩座對列其上寬平宛然牀榻可供坐卧

阿闍石

在華首門崖右阿闍世王曾于此朝禮尊者故名

魚頭石

在放光寺右屏風崖下高七尺五寸尖唇外突恍若魚頭

金鰲石

在銅瓦殿右長數十丈昂首之勢儼若鰲山

流雲石

在無字碑下高五六尺廣丈許

雙柱石

在玄鹿洞左兩石連峙直立如柱

龍樹石

在龍華寺門左相去一百九十步其石正方高八尺周圍四丈三尺上生樹一枝大十二圍高五丈餘一根分作二枝其幹相抱葉復作二種有老藤蒙綴旁有小樹一枝高二丈其根皆蟠石而下入

鷄足山志

卷之二

山水

聖

於土石之東南又有古樹五枝茂密陰森以助幽異

拜佛石

在伏虎庵前其石高丈許突臨虛崖登躋其上骨悚神慄嘗有行僧履而拜佛狀須一心朝向絕去瞻顧方能俯仰起伏若左右旁視卽匍匐欲墜矣

鬼工石

在玄關之上大小數塊委疊相倚怪譎險側欲墜欲崩不可名狀

無字碑

大石二塊宛狀碑碣在羚羊洞之上知空眼藏撰
幽攬勝不辭危險無竒不搜行至此處小遇霧雨
知不可登遂扶杖而回兩人以爲勝遊之大缺陷
也道友仙陀爲題其地曰廻杖處

爛柯石

在伏虎庵左棋枰石之側

生公石

在羅漢壁德上靜室之下大小數十塊或蹲或倚

鷄足山志

卷之二

山水

三

如拜如侍宛狀群聚點頭之狀

小盤陀石

有二在大盤陀石之左二百四十步旁有古樹三
枝

漱玉石

在靜林居前路下高五尺其頂寬平坐五六人雙
澗夾流清澈如玉

謫星石

在龍藏谷中放光寺前後大小數十塊竒形怪狀

高者百尺小者丈餘或如正士危坐或如武夫肅
備或如竒鬼猛獸森然欲搏人或如金翅劈空騰
蛟戲海有飛舞奔躍之勢山石之竒目中未覩遊
至此觀止矣

嶧陽石

又名天磨石在羅漢壁絕頂之上兩石相壘高數
十尺最爲竒險

三笑石

在石梁橋西北大石三塊相並欹倚雄偉突兀頗

鷄足山志

卷之二

山水

四三

有雋致

老人石

在黑熊洞左拔地矗起形如老翁

水心石

在岳山洞西大澗中高十三丈廣倍之頂平如掌

三多石

在二殊室之下大石三塊相去各二十餘步上石
高七八尺其根空而出泉狀若雲之倒垂中石高
丈許突兀竒偉下石高二丈頂方且平可坐十餘

人

九品石

在石梁橋東石甚奇陡有僧刻九品往生四字於其上故往來者遂呼爲九品石

峽

束身峽

束身峽在絕頂西文殊閣前兩崖對峙中分一徑僅容人身穿過徑中流石歷落擁足礙履行者倚側不能自持可二里許

鷄足山志

卷之二

山水

四

藏書峽

在魯擺靜室之左

仰高峽

一名五十三叅在迦葉殿北羅漢壁西卽登峰頂大路轟巒突石虧蔽左右中逕若剡崖壁欲合行者視前以爲路窮更轉更睇窅曲森險俯瞰林壑仰眺岑嶺一步一景倏忽互換雖屢遊者亦疑誤焉崖中吐三獻水足資行者之渴周直指建亭於斯今圯廢矣

獅子口峽

在獅子口之下長四五里陡直險僻人罕繇焉

梯雲峽

在羅漢壁西來寺左高十五丈兩崖夾立窄如箭括通天無路可升靜室比丘每於峽上採薪從峽中擲下又從下拾之而歸蓋天險也

玉井峽

在捨身崖翠屏峯之間崖壁環匝宛然欲合形如玉井

鷄足山志

卷之二

山水

四十五

蛇立峽

在羅漢壁安心處之右兩崖束身矗起一峽峻壁當面陡上千霄雖飛猿捷獠窮於登降矣

巨靈峽

在幻空靜室左從羅漢壁最陡處崖勢對裂狀如斧劈峽高十七八丈仰視崖頂炫目危心已亥兵亂山中比丘用十尋直木斧砍爲級緣之而上然從之者鮮矣

神足峽

在獅子林大靜室左其峽寬而且深長五六里陁險異嘗非具神足者不能登也

谷

通天谷

卽束身峽絕頂西北下繇文殊閣至伏虎庵兩岸轟起中通一路二里有餘崖石嶽錡徑道盤折旣窮復通幽邃無際

蟠龍谷

在華首門下放光寺前直連檀溪大壑

鷄足山志

卷之二

山水

四六

箐

檀花箐

檀花箐卽桃花箐此地原有大青檀樹一株故峯與溪皆以青檀名後其樹旣伐土人遂誤檀爲桃繇山頂西南七里許深林雜樹蒙翳幽窅莫測其高幾許南北穹巒中凹成坳東西則分溪瀉流逝湍各別東下成溪匯出洗心橋西流迸湧直繇和光橋而逝箐爲賓鄧分界因去山稍遠遊者鮮及實則綿邈幽深迥絕塵境

蜜蜂箐

在太極嶺之左

松花箐

在萬松庵上連松二十餘里花開時人行其中衣袖俱沾松粉

萬里箐

在太極嶺之右此處樹木最爲深密多藏劫盜行者苦之

山神箐

鷄足山志

卷之二

山水

四七

一名冷水箐在白石庵右

芭蕉箐

在南村後相傳此處舊有芭蕉四五里今無存
滄桑之變信不誣矣

坪

明歌坪

今建爲勝峯寺寺碑載迦葉入定八大明王迭至此鳴歌作樂故名後人因而建寺

羅漢坪

在沙址西塔院崖下靈山一會坊內昔傳有羅漢現身於此

木香坪

在西南峯檀花箐東南與點蒼山對其坪在高山頂春圍環寬二十里四傍皆深林密翳積雪不消而此坪獨寬坦溫煦甚宜花樹昔時服勤之僧多於此結廬習靜今荒蕪無復存矣洱西人士駕艇登山多繇此取道焉

萬松坪

鷄足山志

卷之二

山水

四

在四觀峯之後繇絕頂西北下四十餘里皆合抱古松修柯曳雲濃蔭蔽日長風遠振濤籟幽長使陶弘景見之不知何如神往矣

憇佛坪

在大龍潭之前其地寬廣平廠樹石迴映清泉交流俗傳古有五百羅漢遊憇於此

窟

金剛窟

在華首門西二百步高八尺深丈餘中可坐臥六

七人還源眼藏兩師避兵于此但崖路危仄人罕至焉

窩

獅子窩

在獅子林後崖下面對東北廣三里長七里多產奇樹名卉舊有獅子庵今圯廢矣

二卷終

鷄足山志

卷之二

山水

四九

